

重論文齋筆錄

重論文齋筆錄卷十一

蕭山王端履輯

論語所重民食喪祭朱註僅引武成釋之而無所分別

端履

案武成重民五教惟食喪祭孔傳謂所重在

民及五常之教是民與五教分爲二事又云民以食爲命喪禮篤親愛祭祀崇孝養皆聖王所重是食喪祭三項又統注於民蓋緣爲一惟字所誤耳論語孔傳則云重民國之本也重食民之命也重喪所以盡哀重祭所以致敬則是民食喪祭四項並列朱註既未明晰似當依論語孔傳爲是或以民字絕讀以食

重刊不刊金
喪祭三項申入民字中蓋本尙書孔傳後說或以民食連讀與喪祭並列爲三則未知所本也

江西巡撫吳公

文裕

奏稱江西鄱陽湖面寬濶著名

險要通省漕艘均須由此經行湖濱之左蠡鎮尤爲極險向有元將軍廟一座靈應顯著往來船隻無不肅恭祀事以祈神佑前於嘉慶十四年間欽奉上諭江西鄱陽湖面寬闊素稱極險每遇春漲較盛風信靡常各幫船於銜尾渡湖之日往往猝遇暴風無從收泊以致人力難施殊堪憫念因思該處湖神向昭靈感著該撫親往虔誠祝禱俾此後各幫平穩渡

湖以迓神庥而昭呵護等因欽此經前撫臣 先福 遵

旨致祭奏蒙 勅部封號經部移會內閣撰題覆

奉 硃筆圈出顯應欽此並於每年春秋官爲致祭

在案至今祀典尊崇護漕助運久荷 神庥本年起

運二十年漕糧經糧道潘鐸於督運渡湖之先潔誠

致禱默祈保護雖迭遇大風皆得穩渡無恙各弁丁

均稱虔感茲據該糧道潘鐸詳請 奏懇 頒給匾

額前來合無仰懇 天恩給予匾額以酬 神貺 云

云 奉 上諭吳文鎔奏請給湖神聯額一摺江西鄱

陽湖神助運護漕久著顯應本年督運渡湖迭遇大

風均得化險爲平自應特頒匾額以答神庥發出御書匾額一方對聯一副著吳文鎔祇領敬謹懸掛欽此

水神管轄各有分地浙江則靖安公張夏司之公吾邑人事詳府縣各志

家恭甫弟得家舊藏十里梅花一草堂印章因繪爲圖徧徵同人題詠予賦詩云十里梅花一草堂玲瓏

篆石發光芒蠹餘小集親鈐徧留與文孫韞匱藏族伯

祖綸宣公詩藁名蠹餘小草新圖舊澤共綿長十里梅花一草堂

瓜埭種餘兩株樹春來老屋逗寒香南陔師寄先君詩有何時瓜埭

種梅花及種得梅花可當家句瓜球綸宣公葬地

論詩最愛陳無已意足不

求顏色似十里梅花一草堂前身從古多如此

時家弟仲

孺議其象形未肖

五嶽游難舊願償頻年婚嫁尚平忙何時

清福同君享十里梅花一草堂

恭甫賦詩見答意有未盡復成四絕十

里梅花一草堂中藏養老壽親方親顏有喜知難老

汝已含飴我弄璋紙窗竹屋劇荒涼十里梅花一草

堂畢竟壯懷消不得論文時約我聯牀詩囊太富宦

囊盈誰憐司馬青衫濕十里梅花一草堂櫻蓑箬笠

相逢揖品味曾將百艸嘗賦成藥性擅岐黃何須更

識廬山面十里梅花一草堂

恭甫復以詩來再酬四絕

十里梅花

一草堂當年馬糞盛諸王琅邪風調今誰在巷口烏

衣尙夕陽老槐已壞柏亭荒

于宅先族侍郎公所居恭甫宅先族玉鳧公所

居子宅舊有槐故侍郎公以茂槐自號今此宅分屬族敬甫弟余幼時老輩尙名其地爲槐樹下今無知之者恭甫宅旁柏樹爲玉鳧公手植舊有

十里梅花

一草堂此畫流傳百年後巋然也並魯靈光百花畱

待孝先探戲言嘉話君知否

道光戊子蒙弟赴試省垣南陔師賦詩寵行端

履和詩碧樹羨他梁棟器百花畱待孝先探次年子敬果游邑庠今歲科試列前茅行食餼戲言遂成嘉

話矣十里梅花一草堂良駒大有和羹手自在披裘六

月涼何須曲逕借禪房

今年酷熱殊甚恭甫擬向祇園寺避暑

卧游便

覺清寒甚十里梅花一草堂

天氣酷暑偶抱小恙恭甫復以詩來不禁技癢

又得六章馮婦之請知不免矣萬樹梅花得句忙玉昆我竟愧元方

流金無計鋤明月小病偏逢夏日長梅花與爾結緣
長不斷吟情不斷香脫手彈丸傳萬口新詩漫許鑿
楹藏城市不宜麋鹿性桑麻最愛水雲鄉邨居得遂
聯牀約不種梅花種棣棠梅花吹落韻悠揚五月人

間無此涼昨日倚樓三弄笛江城詩律太顏唐昨以

五月落梅花題課同學詩無一佳者甲庚舊業勉青箱桂籍關心玉兔

涼明歲好語阿咸須努力秋風轉瞬是槐黃童洪作

戲便逢場煞尾詩餘又六章從此右軍眞誓墓不教

煩惱擾枯腸

右六章前有煞尾詩一首因太涉游戲刪去不錄
道光戊子邑苧蘿王氏修輯宗譜其族致雲進賢等
各乞

端履

爲其先人作傳以光家乘

端履

曰必無諛

辭無愧辭方可以應命也致雲等許諾乃各據實而
爲之傳○禮賢王公家傳公諱公璧字禮賢姓王氏
世居蕭山苧蘿村父立階公生三子公其仲也少厚
重好學制行淳樸事父母能得歡心友于兄弟無間
言伯父涓熊公無子立階公命以長子公璇爲兄後
公故爲家督佐立階公理家政乃舍學援例爲國子
生非其志也立階公素謹愿或欺其懦中以事經歲

不解公推誠相與構釁者恧服願修舊好公待之如初無纖芥藏怒人益推爲長者與人交未嘗疾言遽色而御家有則門以內無嘻嗃聲村處邑南隅地磽瘠居者率力田自給公卑服勤操作苦樂與僮僕同會計出納視歲豐儉以制用或議其勞力公喟然曰吾不能學而得祿顧可使耕而餒乎公族爲邑著姓多秀良遊庠序者林立鄉試輒擯於有司公期望肫切糾族衆釀金月課宗人於家祠而督諸子學尤嚴每日暮自塾歸必命取所業而背誦之稍艱澀則厲色責其熟習至夜分不輟曰吾以家累故廢學但歷

世積厚子孫當有以科第起家者吾不敢姑息負祖
宗培養也由是諸子爭力於學嘉慶戊寅公子致雲
舉於鄉道光乙酉大挑一等分發陝西試用知縣能
承公之志者公生於乾隆乙酉年卒道光丙戌年春
秋六十有二配韓孺人子二長卽致雲次桂蟾論曰
公恂恂鄉黨庸言庸行無以表異當世端履與致雲
交久跡公生平行事實有大過人者道光癸未諸暨
江水驟發臨浦塘危甚公命致雲冒風雨隨衆晝夜
救護塘獲無恙是歲邑大饑竈牧兩地尤甚待哺者
數萬口賑有定額當事者謀於邑人士勸輸財展益

之端履

請於公公慨然許諾首出金爲同族倡事獲

濟江塘被水囓多陷蟄衆議修築而憚費鉅有謂宜
按畝出錢者迹涉科斂仍定鳩貲興役時議捐者屢
又歲歉衆多觀望公復倡捐無吝色非好義而能若
是乎彼席豐厚雄視鄉里遇公事則齷齪較量簞食
豆羹見於顏色公故中人貧而救災禦患爲所當爲
其度量之廣隘相去奚啻倍蓰哉因據致雲來狀謹
加詮次並附

端履

所見聞俾垂諸家乘以傳不朽焉

附像贊○公子致雲等既狀公行事俾端履爲傳以
垂家乘矣復奉公遺像俛系以贊惟公豐頤廣顴鬚
肩修偉整肅展拜神采煥發和藹之氣宛肖生平時
公歿已二年致雲行服闋赴補陝西指日

恩綸錫

類寵賁紫泥有以焜耀丹青榮施黼黻無俟端履
藻飾而致雲等固請不已乃復爲之贊曰振靈風於
庭戶兮仰冠裳之格思嗟警欵之難聞兮瞻令色與
令儀溯立身之庸德兮政由孝友而施與人恭而有
禮兮復見義而必爲俾敦薄而寬鄙兮挽末俗之澆
漓爲鄉黨所矜式兮痛天平之不愆遺望老成之典
型兮往者不可復追幸後昆之垂裕兮令名思父母
貽佇專城於鄴杜兮秉彝訓爲慈惠之師不於其身
必於子孫兮匪天道之不可知公 ○王家瑞別傳
有美而稱之兮斯贊公無溢辭

蘿王姓以執技來城市者予所識凡二人景昭擅繪
事家瑞業攻木皆苦心志勞筋骨致小康景昭後以
家累喪其貲獨家瑞終始勤力晚境益佳子孫蒙業
而安未有艾道光戊子王姓輯族譜其子進賢乞爲
傳以光家乘予以家瑞隱跡市廛無嘉言懿行可傳

後世善辭焉進賢固請不已因思人子莫不欲顯揚其親冀一語表彰而不可得其抱恨當無終極況志有大小量有廣狹如家瑞者亦可謂竟其志而滿其量者已遂爲之傳君諱聚泉家瑞其字也世居蕭山苧蘿鄉先世潛德弗曜君生而貧習藝事隨工師營繕餼廩所入不足供饘粥廼挈家入城僦居南藥橋下治故業敦樸食力年已三十矣小屋一椽劣蔽風雨橋北達縣署東接城隍廟囂塵湫隘吏胥販夫所錯居茶肆酒樓飲食歌舞所徵逐惡色惡聲浼若塗炭君雜廁其間由由然不忍去和光同塵行類柳下

顧執事敬與人忠察言觀色犯而不校人故咸樂與君交業漸起予幼讀書小學樓與君屢抵隔數垣寒暑晝夜寢饋其中甫昧爽聞邪許聲自遠而近則君先匠人以昇材也予亦起盥漱畢坐南牕下旋聞斧刀剝啄聲則君先匠人以操作也漏三下予就枕聲猶未輟如是者以爲常後予書舍移於重論文齋距君居稍遠又人事牽迫無復曩時聞雜起舞之槩而君業日裕然履豐如困老而益壯不御梁肉不衣裘帛脫粟縑袍不以爲耻其刻勵多類是君生於乾隆己卯年卒道光乙酉年春秋六十有七配童氏繼妻

倪氏子三進賢用賢進德贊曰余於君所見所聞如是耳無諛辭無曲筆據事直書之義也進賢來狀稱君事父母孝友于兄弟生養死葬獨任其事不以累兄弟也自奉極薄而與人惟恐不厚親族有負貸者未嘗取償也進賢固不能文或信有其事抑好事者

爲之余故不據以立傳

家弟端蒙曰孟子言規矩方

用矩惟治圓器者則尚用規家瑞業盤匱之屬者也其磨礪圭角隨俗轉圜深有得於規之旨者乎何也不以此意作贊辭然其譜已成不及追改姑附其說於後

武昌張松生大令

邦棟與端履

甲戌會試同年又同

出姚伯昂師之門任新昌知縣移劇嘉善託疾去官

病痊坐補原缺甲申乙酉間來署吾邑篆事出其剡
谿送別圖索題因賦二律應之云天姥峯高剡曲深
循良撫字最關心官箴夙凜勤兼慎清節時攜鶴與
琴人在鏡中調玉燭材掄管下度金鍼魏塘移著飛
鳧舄去住情懷兩不禁湘湖幸遇使君來潮撼西陵
日幾迴擬障風濤資砥柱共欣民物上春臺十年臭
味聯鵷譜百里農桑仗驥材寄語沃洲諸父老棠陰
一樣荷栽培

說文象部豫象之大者賈侍中說不害於物从象子
聲段若膺大令 玉裁云此豫之本義故其字從象也

引伸之凡犬皆稱豫故淮南子史記循吏傳魏都賦
皆不豫價周禮司市注云防誑豫皆謂賣物者大其
價以愚人也犬必寬裕故先事而備謂之豫寬裕之
意也寬大則樂故釋詁曰豫樂也易鄭注曰豫喜豫
說樂之貌也亦借爲舒字如洪範豫恒煥若卽舒恒
煥若也亦借爲與字如儀禮古文與作豫是也
說文犬部猶獾屬从犬酋聲一曰隴西謂犬子爲猶
案爾雅釋獸云猶如鹿善登木曲禮曰定猶豫正義
曰說文猶獾屬豫象屬此二獸皆進退多疑人多疑
惑者似之故謂之猶豫

街談俚語皆可入詩但視其運用何如耳如蛙翻白

出潤蚓死紫之長此明人笑柄也新建裘春州元善

云萍疎翻白出柳嫩覺青歸又香牛皮席都中土產

也會稽吳梅梁傑云窗隙光陰騰野馬簟涼消息報

香牛隙字當讀作虛字與涼字對不可以窗隙連讀蓋窗有隙則日光穿入而野馬起矣無隙則不見

自了漢湖南大吏謂吾同鄉汪龍莊先生也見病榻夢

痕嘉慶甲戌端履在京邸爲陸文恭公述之公曰大

難大難遂卽席得句云一世誰真自了漢廿年尙有

未歸人蓋是時公宦京師已十九年故感慨係之

今世婦女喜以翠羽塗於金銀首飾上謂之點翠不

知自古有之左僖二十四年傳鄭子華之弟子臧出
奔宋好聚鷓冠杜注聚鷓羽以爲冠非法之服孔疏
釋鳥云翠鷓李巡曰鷓一名爲翠其羽可以爲飾樊
光云青羽出交州郭璞云似燕紺色生鬱林說文云
翠青羽雀也漢書尉佗獻文帝翠鳥毛然則鷓羽可
以飾器物聚此鷓羽以爲冠也端履案鷓鳥毳短不
可以織聚以爲冠其卽今之點翠歟

偶買得今古輿地圖中有一箋七律云去年秋穫本
豐穰里社傳聞戶足糧民氣轉因風鶴動縣官祇解
送迎忙惠沾桑梓籌吾輩劇演衣冠怕上場同是書

生無善策况兼離散石田荒書法秀逸尙是明季遺

墨邑君侯公

萬福

見而愛之因舉以爲贈後侯卒於

官此箋不知流落何所矣

侯嘉慶丁丑進士漢軍鑲紅旗籍

嘉慶甲子乙丑間同人歲爲消寒雅集集必徵文考

獻或出新意定爲觴政不能者罰以巨觥迄今幾四

十年朋輩凋零殆盡其酒令亦並遺忘今畧記二則

錄之皆所謂連理枝也○一以四書二句以上句末

字下句首字合一藥名道不遠人參也魯人參諸侯之

寶三七里之郭七

白雪之白微子去之

白微臧武仲以

防風乎舞雩

防風

不知爲不知母命之

知母

殷鑒不遠志

於道遠志仍舊貫衆皆悅之貫方寸之木賊夫人之子

木顏路請子之車前日於齊車前事親爲大黃衣狐裘

大黃仁者如射干戈戚揚射干長一身有半夏日則飲水

牛譬諸草木通國皆稱不孝焉木通願車馬勃如戰色

勃與其弟辛夷子思以易天下辛夷○一以四書二句

式依前合一縣名可合者甚多今錄其新穎者事孰爲大興於詩大興

苟日新陽虎欲見孔子新陽教者必以正定而后能慮

正不俟駕而行唐虞禪唐詩可以興山徑之蹊間興山

止子路宿遷於負夏宿遷遠之則有望江漢以濯之望江

大夫以旌德不孤旌德綏之斯來安而后能慮來安君子

之所以教者五河不出圃五河而未嘗有顯者來鳳鳥

不至來鳳所惡於上猶之與人也上彼以其富陽貨欲

見孔子富陽草上之風必偃師也偃師遂有南陽城非

不高也陽城吾斯之未能信宜民宜人信誠不以富民

之爲道也富五十以學易門人治任將歸易德之不

修文行忠信修顛而不扶風乎舞雩扶

觴政又有所謂並頭蓮者集經書二句以上一句

第一字下一句第一字合一物如合縣名則以信

近於義宜民宜人合信文之以禮樂水信無分於

東西合文是也有所謂並蒂蓮者以上句下一字

下句下一字合一物如合藥名則以馮婦攘臂下

車不敢以陳於王前

合車前

膾不厭細與其弟辛

合細

辛是也此皆飛觴故事銷夏間談偶一效顰亦無

傷於大雅也

爾雅釋艸薜山蘄郭注廣雅曰山蘄當歸當歸今似

蘄而麇大郝

懿行

義疏釋文蘄古芹字麇本今作麇

端履案本下疑脫一字字謂爾雅本字作麇今則皆作麇也

李時珍云當歸本非

芹類特以花葉似芹故得芹名古今注云古人相招

以文無文無一名當歸

又云朮山薊卽今之白朮也楊枹薊卽今之赤朮也

陶宏景云朮乃有兩種白朮葉大有毛而作極根甜而少膏赤朮葉細無極根小苦而多膏邵晉涵正義爾雅別山薊枹薊之名陶分朮爲二種是也赤朮今呼爲蒼朮

又云薊白蘄郭注卽上山蘄又云赤枹薊郭注卽上

枹薊端履

案其名既見於前矣不知何故重出

子嘗欲辨

爾雅釋藥一篇說已見前今年近七旬知力有不能矣故以所釋者散見於筆錄中而釋爾雅別條亦附

或云當歸以白者爲尙未免望文生義郝懿行義

疏陶注本草云歷陽所出色白而氣味薄不相似

呼爲草當歸唐本注云當歸苗有二種一種似大

葉芎藭一種似細葉芎藭細葉者名蠶頭當歸大

葉者名馬尾當歸陶稱歷陽者蠶頭當歸也如唐

本注則白蘄葉較細卽蠶頭可知山蘄葉麤大卽

馬尾矣陶註馬尾當歸稍難得出隴西

端履案當歸卽俗所

稱荷包牡丹吾鄉多植之盆盎以供清玩然其根皆白未見有赤者

又云離南活菟郭註草生江南高丈許大葉莖中有

瓢正白零陵人祖日貫之爲樹

端履

案祖當是植字

之誤貫當是灌字之誤中山經云升山其草多寇脫

郭彼註寇脫草生南方高丈許似荷葉莖中有瓢正

白零陵人植而日灌之以爲樹邵

晉涵

正義既引此

文又云祖日貫之四字疑有脫誤何也

邵正義據陳藏器本草謂卽令之通草郝義疏又謂古之通草今之木通姑兩存其說以俟考

又下倚商活脫郭註卽離南也一草再見未知何故

又云莠隱葱郭注似蘇有毛今江東呼爲隱葱藏以

爲菹亦可瀹食郝

蘇行

義疏陶註本草云桔梗葉名

隱葱可煮食之療蠱毒是隱葱卽桔梗然別錄一名薺芘陶註則云薺芘非桔梗而葉甚相似今按桔梗

葉較薺芘橢長而不圓華紫碧色與薺芘又別故陶注以別錄爲非蓋薺芘雖名甜桔梗其實非一物也郭云似蘇有毛管子云葱葉似薺葉以長二者復與桔梗異類篇又謂隱葱菜名似薺

又云髦顛棘郭註細葉有刺蔓生一名商棘廣雅云女尤也邵正義云髦一名顛棘本草云天門冬一名顛勒抱朴子云天門冬一名顛棘是也

又云蒹葭郭注今澤葭邵正義云蒹一名葭卽澤葭也莊子釋文引司馬彪云陵舄一名澤舄隨燥濕變也劉向九歎云筐澤瀉以豹鞞兮王逸注澤瀉惡草

盛於革囊無益於用也

端履

案澤瀉今方書通用之

豈漢時尙未入藥耶劉向所言又別是一種耶

釋州

脣郭注毛詩傳曰水葛也如續斷寸寸有節拔之可復邵晉涵正義云詩疏引李巡云別二名案上文云瀦葛郭注云今澤瀉魏風汾沮洳云言采其蕢毛傳蕢水葛也本神謂澤瀉一名水葛陸璣疏亦以蕢爲澤瀉是則瀦也葛也蕢也牛脣也一物而四名也郭意以蕢一名木脣別言其形狀本於李巡爲義也

又云臙藤蕢冬郭註門冬一名滿冬本草云邵

晉涵

正義曰臙藤一名蕢冬上文顛棘爲今之天門冬此

則爲今之麥門冬也本草別錄云麥門冬葉如韭冬

夏長生陶註云根似穰麥故謂之麥門冬今所在有

之蕢門音同

郝義疏謂卽
薔薇恐非

又云覆盜庚郭註旋覆似菊部晉涵正義曰本草云

旋覆一名金沸草陶註云出近道下濕地似菊花而大圖經云今所在皆有二月以後生苗多近水旁大似紅藍而無刺葉似柳莖細六月開花如菊花上黨田野人呼爲金錢花

又云味莖藎郭註五味蔓生子叢在莖頭郝懿行義

疏曰本草五味一名會及陶注今第一出高麗多肉而酸甜次出青州冀州味過酸其核並似猪腎又有建平者少肉形核不相似味苦亦良唐本注云五味皮肉甘酸核中辛苦都有鹹味此則五味具也

又云肝虺牀郭注蛇牀也一名馬牀廣雅云郝懿行
義疏曰本草蛇牀一名蛇米別錄一名蛇粟一名虺
牀一名思益一名繩毒一名棗棘一名牆藤陶注云
花葉正似蘼蕪淮南汜論篇云夫亂人者芎藭之於
蘼本也蛇牀之於蘼蕪也此皆相似說林篇云蛇牀
似蘼蕪而不能芳是皆陶注所本

又云菟奚顛凍郭注欵凍也紫赤華生水中郝懿行
義疏曰顛凍卽欵冬顛欵聲轉凍冬聲同也本草欵
冬一名囊吾一名顛凍一名虎鬚一名菟奚廣雅云
苦萃欵凍也凍與冬義亦同此草冬榮忍凍而生故

有欸冬苦萃諸名西京雜記引董仲舒曰葶藶死於
盛夏欸冬華於嚴寒水經注引述征記云洛水至歲
末凝厲則欸冬茂悅曾冰之中按欸冬蓋有二種藝
文類聚入十引吳普本草云欸冬十二月花黃色陶
注本草云形如宿萼未舒者佳其腹裏有絲其花乃
似大菊花如吳陶所說華俱黃色與郭注異唐本注
云葉似葵而大叢生花出根下不言花色蘇頌圖經
又有紅花者葉如荷此說蓋與郭同又本草欸冬橐
吾爲一物如急就篇橐吾欸冬又爲二物顏師古注
以欸冬生水中花紫赤色橐吾似欸冬而腹中有絲

生陸地花黃色然陶注言腹有絲者卽是欸冬非橐
吾則此蓋一類二種也

又云芑地黃郭注一名地髓江東呼芑音怙本草
地黃一名地髓別錄一名芑一名芑公食大夫禮云劔
芑牛藿羊苦豕薇鄭注苦苦茶也今文苦爲芑說文
引正作芑古人芑羹用芑蓋取新生苗葉爲其益於
人也蘇頌圖經云葉似車前葉上有皺文而不光花
似油麻花而紅紫色今按其華葉亦全似葇蕩子唯
根實形味不同耳淮南覽冥篇云地黃主屬骨而甘
草主生肉之藥也然地黃亦主生肌肉張騫朝野僉

載云雉被鷹傷銜地黃葉點之

本草綱目云生者以水浸驗之浮者名天黃半浮半沉者名人黃沉者各地黃入藥沉者爲佳

說文厂部厲旱石也从厂蠱省聲段懋堂若厲大令

云旱石者剛於柔石者也禹貢厲砥砮丹大雅取厲取鍛引伸之義爲作也見釋詁又危也見大雅民勞傳虞注周易又烈也見招魂王注俗以義異異其形凡砥厲字作礪凡勸勉字作勵惟嚴厲字作厲而古引伸假借之法隱矣凡經傳中有訓爲惡訓爲病訓爲鬼者謂厲卽厲之假借也訓爲遮列者謂厲卽迺

之假借也周禮之厲禁是也有訓爲涉水者謂厲卽
瀉之假借如詩深則厲是也有訓爲帶之垂者如都
人士垂帶而厲傳謂厲卽烈之假借也烈餘也

阮相國師巡撫浙江時以釋葵題試詁經精舍士子
有程作一篇極爲精確敬錄存之葵爲百菜之主古
人恒食之詩幽風周禮醢人儀禮諸篇春秋左氏傳
及秦漢書傳皆恒見之爾疋於恒食之菜不釋其名
爲其人人皆知也故不釋韭蔥之名而但曰霍山韭
茗山蔥爾疋不釋葵其曰菟葵楚葵戎葵蔞葵皆葵
類非正葵亦非蔥之例也六朝人尙恒食葵故齊民

要術載種葵術甚詳鮑昭葵賦亦有豚耳鷓掌之喻
唐宋以後食者漸少今人直不食此菜亦無知此菜
者矣然則今爲何菜耶曰古人之葵卽今人所種金
錢紫花之葵俗名錢兒淑氣者以花爲玩不以葉爲
食也今之葵花有四種一向日葵高丈許夏日開黃
花大徑尺一蜀葵高四五尺四五月開各色花大如
杯此二葵之葉皆粗澀有毛不滑不可食惟金錢紫
花葵及秋葵葉可食而金錢紫花葵尤肥厚而滑乃
爲古之正葵此花高不過二尺許花紫色單瓣大如
錢葉雖有五歧而多駢誠有如鮑明遠所謂鷓掌者

異於秋葵之葉大多歧不駢如鶴爪也齊民要術稱
葵菜花紫金錢葵花皆紫無二色不似蜀葵具各
色秋葵色淡黃也左傳云葵猶能衛其足杜預注云
葵傾葉向日以蔽其根曹植表云若葵藿之傾葉太
陽雖不爲之迴光然向之者誠也玉篇云葵葉向日
不令照其根此皆言葵之葉能衛其根卽葛藟庇本
根之義非言其花向日自轉也藿爲豆葉豆之花亦
豈向日而轉哉予嘗鋤地半畝種金錢紫色之葵剪
其葉以油烹食之滑而肥味甚美南中地暖春夏秋
冬皆可采食大約須地肥而葉嫩大如錢乃甘滑儀

禮士虞禮稱之曰滑者以此又余嘗登泰山其懸崖窮谷曲磴幽石之間無處無金錢紫花之葵皆山中自生非人所種山人采其葉烹食之但瘦耳然則世人雖久不食之而其種固多有留存者矣說文云藿豆之少也余嘗種豆采其葉苗食之味亦美葵葉之味與藿正相似益可知古人葵藿並舉之義秋葵葉嫩時亦可食但此與葵性相近終非正葵葵之花開於夏此則至秋始開其葉不能四時中食耳

爾雅釋木寓木宛童郭注寄生樹一名蔦邵

晉涵正

義云小雅頌弁蔦與女蘿疏引陸璣疏云蔦一名寄

生葉似當盧子如覆盆子赤黑甜美案方言云寓寄也寄附於大木而生故謂之寓木廣雅云宛童寄生鳩也又云寄屏寄生也廣異名也今寄生多於桑上本草云桑上寄生一名寄屑一名寓木一名宛童後漢書註云百草至寒皆彫落惟寄生獨榮於桑上

釋草菟奚顯凍郭注欵冬也紫赤華生水中又中馱菌小者菌郭注地蕈也似葢今江東名爲土菌亦曰馱廚可啖之郝懿行義疏云中馱釋文引舍人本作

中鳩云菟奚名顯東顯東名中鳩是讀中鳩上屬與郭異義又按說文菌地蕈葢許亦讀中馱屬上與舍

人同而云菌地蕈則郭注地蕈二字疑古本在正文
寫書者誤入註中因加也字足句耳

端履

案郝說非也中馗卽終葵考工記玉人杼上

終葵首鄭注終葵椎也凡物之豐上而銳下者皆
謂之終葵菌之形正似之則中馗是屬菌言其小
者則謂之菌耳菌者亦以其形言之

北人謂之磨
菇南人謂之

香菇吾越則謂之香
蕈草慈菇切尋上聲

上云蔞葵繁露草雖異種其

形則一特彼有垂旒故又名繁露耳

吾鄉霖雨之後
徧地皆生

土人相戒曰食之殺人亦有冒死食之者云其味
最鮮然未達不敢嘗也今錢塘雲棲一帶寺僧亦
取以供客云出於
竹根未知然否

又棗王芻郭注棗蓐也今呼鴟腳莎郝懿行義疏說

文引詩棗竹猗猗今詩作綠毛傳綠王芻也終朝采
綠鄭箋綠易得之菜也離騷云賚棗施以盈室兮王
逸注用爾雅詩正義引舍人云棗一名王芻李勉云
一物二名某氏云棗鹿蓐也說文又云蓋草也唐本
注蓋草俗名棗蓐草葉似竹而細薄莖亦圓小按此
卽今淡竹葉也其葉如竹花色深碧人取汁入畫如
點黛御覽引吳普本草蓋草一名黃草蓋以其可染
黃綠也

常熟蔣文恪廷錫文肅溥父子並擅丹青予舊藏文

煎罌粟一幀設色鮮麗着紙如新道光壬寅穀雨日
晴牕展玩因題一絕云嫣然紅紫各爭妍富貴花前
別有天春盡羣芳齊頰首始知囊粟勝囊錢

罌粟開於春末紅白異種絢爛可觀奸民搗取其汁
熬成鴉片貽害無窮屢奉嚴禁芟除淨盡今園亭已
無復此卉矣讀畫之餘又題一絕云春夢年來已化
烟芳菲回首劇堪憐流傳剩有丹青筆啜茗題詩穀
雨前

嘉慶庚申歙縣曹顧崖侍郎來主吾浙試事

侍郎名
城乾隆

辛卯科所得皆知名士
端履闡卷荷蒙批閱有文筆

清老之譽嗣以孟藝微瑕被黜道光庚子杭賈有以其所繪秋山烟靄圖來售者筆意濃厚水盡而山無盡雲深而樹亦深展讀之餘不禁追思往事槎觸子懷因題一絕紀之云憶昔金風洗露天白袍選佛竟無緣文章清老蒙虛譽舊事關情四十年

道光壬寅予輯明鼎甲分縣備考既成乃爲之序曰今世俗稱進士及第者謂之鼎甲鼎甲云者以一甲止三人象鼎之三足也其名不知始自何時而相沿不改習爲故常宋元以來題名錄之存者僅有宋紹興十八年同年小錄寶祐四年登科錄元元統元年

進士錄三種而已不能博稽而彙考也前明進士國
子監始刻有題名泊乎

國朝著爲令典每新科進士赴監釋褐畢則大司成
各以一部授之於是名次籍貫可一覽而知也

端履

忝捷南宮引疴歸養陔餘多暇思欲將題名分縣排
纂而卷帙浩繁鈔錄匪易先成明鼎甲分縣備考一
卷存諸篋中以自觀省夫鼎之時義大矣哉必克副
乎調羹之望始無慙於覆餗之譏明代由鼎甲致位
通顯者指不勝屈而分宜黃子澄新淦練子甯會稽
余煌輩尤能力矢孤忠舍生取義洵無愧爲一代完

人蓋上以名求之斯下以實應之亦足見有明養士之澤長矣至於雍容揄揚潤色鴻業此詞臣之職守不足爲諸公異也姑不具論

爾雅釋草薺若英光郭注英明也葉銳黃赤華實如山茱萸或曰蔭也關西謂之薺若邵

晉涵

正義太平

御覽引吳普本草云決明子一名草決明一名羊明廣雅云決明羊明也又云羊薺薺英光也後世釋本草者以草決明羊薺薺與決明分爲三物所說形狀亦與郭殊說文繫傳云決明藥菜也馬蹄者葉銳下而實與山茱萸亦良似華深黃色與郭註同也郭又

引或曰蔭也關西謂之解荇者說文云蔭芰也楚謂之芰秦曰解荇繫傳謂關西卽秦地是也又謂許慎所註全是菜屈到嗜芰卽決明之菜而非水中之蔭是於郭氏兼存兩說者牽合爲一未見其覈實也

道光壬寅四月初旬寒雨連日芍藥薔薇次第零謝

垂簾悶坐重展蔣

又肅

鶯粟畫幅又題二絕云設色

穠鮮授鯉庭相門家世擅丹青挑燈重讀南沙畫細
雨如絲滿院零漫將顏色殿春風芍藥薔薇相競紅
只是榮華易衰歇一年幾日醉花叢蓋鶯粟花開最
不耐久先君嘗云種花一年看花一日何必勞勞乃

爾故余未奉嚴禁之先久已擯斥不種矣

又有一種名虞美人

者與鶯粟無異而花較小今年市擔有來售者云鶯粟禁而虞美人不禁以其子細無繁可取故也但彼姑妄言之予則何敢姑妄聽之揮之使去而已

論語聽其言也厲集註厲者辭之確是朱子以確字釋厲字然古無訓厲爲確者似當從鄭註嚴正之說爲是

余舊藏方甘石

華

山水小幅筆墨簡淡似不經意而

逸態橫生脫盡烟雲蹊徑陸紉菴

芝祥

以爲僞余以

爲真雖然畫不能言紉菴以爲僞則竟僞矣余以爲真則竟真矣安得起甘石於地下而問之乃以一絕

紀之云老年筆墨太蕭疎斷續雲山竹樹枯信手拈
來成妙諦轉勝節節與株株

石竹俗名六樣花以其備紅紫各色耳李時珍以爲
洛陽花誤也卽爾雅之大菊遽麥郭注云一名麥句
薑卽瞿麥郝懿行義疏云說文大菊遽麥繫傳今謂

之瞿麥又名句麥其小而花色深者俗謂石竹本草
云瞿麥一名巨句麥一名大菊一名大蘭陶注一莖
生細葉花紅紫亦可愛子頗似麥故名瞿麥然則瞿
麥一名巨句麥郭據廣雅以爲麥句薑似誤本草麥
句薑乃地菘卽上文藪豕首也麥句巨句二名相亂

遂令薑麥二種異類同名矣今按石竹花大如錢葉形似竹莖亦有節以是得名其花紅紫赤白共翠葉相鮮如陶所云也遽瞿巨句音俱相近

釋草荊藪豕首郭注本草曰彘顛一名蟾蜍蘭今江東呼豬首可以燭蠶蛹邵晉通正義云本草天名精

一名麥句薑一名蝦蟇藍一名豕首別錄云一名彘

顛一名蟾蜍蘭圖經云天名精生平原川澤今江湖間皆有之夏秋抽條頗似薄荷花紫白色葉如菘葉而小故南人謂之地菘香氣似蘭故名蟾蜍蘭狀如藍故名蝦蟆藍其味甘辛故名麥句薑一名豕首爾

雅所謂蒟豨首也江東人用此燭蠶蛹五月採案

郭氏以麥句薑爲卽下文之蘧麥蓋別據廣雅不盡

從本草以今驗之本草爲覈

說文甄豕首也是甄一名豕首與郭異讀玉篇

連引蒟豨與郭同也

端履

案李時珍本草綱目其實卽今之鶴蝨也吾

鄉亦有之但不堪入藥以遷地弗良耳而市賈亦

有採取攪和以欺世者不可不辨也

此草吾鄉別有土名不甚

雅馴故不備錄

釋草蘧茝蘧蕪郭注香草葉小如菱狀淮南子云似

蛇牀山海經云臭如麝蕪郝

懿行

義疏云說文茝藟

也楚謂之薜晉謂之薜齊謂之莖是莖卽江薜故說
文云江薜薜蕪蕪釋文引本草云薜蕪一名微蕪微古
讀如麤也一名江薜芎芎苗也陶注云葉似蛇牀而
香據本草及說文則芎芎江薜薜蕪皆一物子虛賦
云芎芎蒲江薜薜蕪上林賦云被以江薜糝以薜
蕪復似二物本草唐本注云此有二種一種似芹葉
一種似蛇牀今按蕪古芹字以葉似蕪故謂之蕪淮
南說林篇云蛇牀似薜蕪而不能芳史記司馬相如
傳索隱引樊光曰蕪本一名薜蕪根名蕪芷是樊本
莖作芷釋文引本草云白芷一名白莖莖芷古字同

聲通用實一物也藁本葉圓如蘇與藜蕪異樊注非
矣郭云葉小如菱狀大觀本草引作如菱蕪之狀邢
疏薦作蕪誤

釋草蕪沈藩郭注生山上葉如韭一日提母郝懿行

義疏云釋文引孫云蕪古蕪字說文蕪或作蕪苑藩
也又云芪芪母也廣雅芪母兒踵東根也玉篇蕪母
草卽知母也本草一名蚘母一名連母一名貨母一
名蜺母郭云一名提母提蜺蕪蚘芪知並聲借字通
也陶注云形似菖蒲而柔潤葉至難死掘出隨生須
枯燥乃止堪治熱病亦主瘡疾蘇頌圖經四月開青

花八月結實

先南陔師經術詩文之外兼工倚聲載南陔雜錄中

今特錄花信風詞

師自云信口漫成不拘舊譜卽名其調爲花信風

以存窺

豹之一斑云

有叙有注不及備錄

梅花笑了正小寒第一番報

花風信百花頭上獨先開且慢說元燈相印

蠟黃

宮豔萼綠仙華須讓雪香月韻一枝驛使寄江南分

兩處林逋何遜山茶淡了正小寒第二番報花風信

玉皇收拾上天宮我向曼陀羅問訊

角犀何綠頂

鶴何丹兒女花名何俊海榴誰綻錦窠勻玉茗淺分

紅潤水仙暈了正小寒第三番報花風信簪兄梅弟

作蘭朋誰夢見凌波鞞襯 中洲北渚遠望湘君更
望湘夫人近漢皋解佩弄珠回交甫仙緣無分瑞香
結了正大寒第一番報花風信廬山夢覺睡香名又
轉瑞幻圓夢暈 綠雲畫黛紅錦熏籠紫上蓬萊幾
似動人心樹本風流半透芳心須趁蘭花夢了正大
寒第二番報花風信國香空俗自含芳况九畹余滋
堪紉 荒郊遠蒔綺石清供癸丑春亭禊晉笙詩補
後采南陔戒養心傷方寸山礬香了正大寒第三番
報花風信瑒花雅號色兼香見黃九更名飯噴 梅
邊月澹李外露酣高節春風幾陣而今礬弟水仙呼

占了傾城香韻迎春黃了正立春第一番報花風信
東皇初次到江城先點綴春光得雋 織濃闌巧嬌

小爭妍早占中央色暈萬花紅紫鬧紛紛乞與金腰
帶鎮櫻桃葩了正立春第二番報花風信繁英如雪
萬枝攢望隔水神仙隱隱 簪欵紅玉髻墮綠雲鸚

鷓籠邊四近金盤不見瀉珊瑚知是寢園未進望春
華了正立春第三番報花風信初開乙鳥喚辛夷看
小盞紫苞紅暈 燕支染細粉筆含尖香思芳情僧

問春衫繡罷立多時不省含羞誰恨菜花開了正雨
水第一番報花風信黃花徧地散如金五百季風流

餘韻 合歡夜葉平野春華小摘禪餘曬潤上東門
外月春三柔葉陰陰覆盡杏花芳了正雨水第二番
報花風信粉光脂膩恰新晴喜園宴探花人俊 橋
連午錦簾映春羅紅杏尙書鬪韻牆東宋玉是誰窺
枝壓玉欄鄰近李花白了正雨水第三番報花風信
來禽青日給櫻桃看寺裏九標綠髻 雲丹數五月
影成三仙樹根蟠土潤因何露井代桃僵冠被風吹
不整桃花嫩了正驚蟄第一番報花風信左盲冤枉
息夫人從列女傳中細訊 樓東嬌女門裏春風偏
與玉環銷恨獨憐桃葉共桃根肯向王郎遣悶棣花

穠了正驚蟄第二番報花風信古來唐棣是夫移偏
反處人遙室近 雀梅號混雀李名譎車下輪圓誰
運關西樹子似櫻桃常棣別標逸韻薔薇芽了正驚
蟄第三番報花風信麗娟買笑費金錢燈轉九微香
運 姊兼妹十妹減姊三見笑佛頭著糞更聞月桂
一枝花圓缺都隨月暈海棠勻了正春分第一番報
花風信鴛鴦瓦上打流鶯笑春睡釵橫亂鬢 東山
有酒西蜀無詩花上結巢藥隱樊亭未覩碧雞坊紅
瘦綠肥試問梨花靜了正春分第二番報花風信一
枝六出雪霏霏憶紅樹校書更韻 雨牆漠漠月院

溶溶沽酒青旗初趁海棠深映暖生香妝洗風流香
嫩木蘭膩了正春分第三番報花風信揚州院裏碧
紗籠想一曲霓裳風韻 此花船上波望洞庭日日
征帆遠認替爺軍帖十年歸火伴驚窺雲髻桐花榮
了正清明第一番報花風信拂芭夏正記時書與月
令始華並引 丹山路遠綠水池深嫩蘂柔如絲潤
十三葉上缺如花花與葉同知閩麥花來了正清明
第二番報花風信晝開北地夜開南分燥溼冬春須
問 七蟻成蝨七蝨成芒指肘一弓塵空粟畱來往
在桑間甚熟麥黃時認柳花飛了正清明第三番報

花風信隨風如絮又如絨想枝上柔荑織寸 吳姬
壓酒滿店生香踏過謝橋夢近藕絲衫子惹沉香更
著繡花裙襯牡丹嫋了正穀雨第一番報花風信永
嘉水竹子華圖三萬蓮經朶暈 天香夜染國色朝
酣調進清平新韻姚黃畢竟是花王魏紫且簪后鬢
荼蘼動了正穀雨第二番報花風信清於芍藥醞於
梅愛品字葉中香噴 鮮同水映輕繞梁尋窺見好
枝少恨碧龍頭上赤蛟身一蓋萬毬損悶棟花熏了
正穀雨第三番報花風信初開三月尙餘寒待畱與
博山香引 榆槐芳景桃柳韶光二十四番數盡東

風號令首梅花獨讓此花殿陣

偶檢舊篋得先南陔師寄先君手札一通亟付裝裱
成冊敬錄其文於左○潛研堂金石文跋尾三續弟
已得一冊止六卷始西宮槃銘訖慶元路儒學興造
記卷首刻一利字想以元亨利貞分帙定有四續未
審兄處得其全書否也竹汀先生學甚精博迥出盧
趙諸公上三續中惟燉煌長史武斑碑跋云春秋時
周有武氏子來求購此武氏見於經傳者而姓氏書
惟舉趙武臣爲始亦弗深考也某案襄四年左氏傳
言羿臣有武羅是夏時人較武氏子爲先矣淮南子

校本家懷祖先生校出誤處二百十一條陳觀樓先生校出十五條皆精當不可易此外尙未能盡刊踏駁也盧校釋文已見其書不甚精審考證亦多疎舛如爾雅釋詁荊考證云案說文艸部莛艸大也竹部荊訓艸木到某案說文竹部無荊字艸部有荊字訓艸木倒盧誤記耳詢之王邵二公均不滿其書謂盧郎老矣而刻書甚易能無誤乎邵公謂盧公喜與時賢作難是其一蔽鍾山札記駁及許綠紉紅駢四儷六各有體裁豈可以經義繩之爾雅考證斤山條下之近人指洪稚存亮吉也稚存謂斤山卽沂山原屬

臆說然作釋文考證則不直與此等無稽之談辨也
至卷首校勘姓氏有云東吳朱文游兄海鹽吳槎客
兄東吳嚴豹人兄桐鄉金雲莊兄吳縣袁又愷兄杭
州汪仲連兄杭州汪季懷兄杭州孫仲芬兄

仲字誤
當作誦

芬先生名侍曾乾隆甲
午與先君同舉於鄉

蘇州許梅軒兄經典釋文是

何等古書乃有此九兄之稱竟同居沽家酒肉簿都
人傳爲笑枋不意抱經先生鄙俚至此豈所謂老將
知而耄及之者耶言之可發一噓復古編自葛君罷
官竟不刷印坊聞絕響聞鮑氏有刻本似可無容遠
購希與蔡君言之爾雅正義貸園叢書都已買得卽

將尊處所有與之歸時當奉還也。該餘叢考閱過僅
勝席上談天，只可場中對策。無補經術，不必急于購
求也。新刻抱朴子，此間已有無所校補不及藏本遠
甚。俟歸後重坐吳山，懷餅就鈔矣。以上八月二十四
日三鼓寫。乾隆辛亥八月，先師借先君子鈔錄道藏
師復獨留旬日，此在廟中。奇先君子札也。時先師將
謁朱文正公於皖城，節署匆匆解纜不及回。里次年
卽由皖入都，聯捷成進士矣。回憶舊事，忽忽五十餘
年。先君子墓木已拱，先師亦久返道山。手澤猶新，典
型尚在。而音容已渺，不可追景仰之餘，不禁潸然出
涕也。○道光癸卯重展此札，復以一絕紀之。云：瓊宇
秋涼夜不眠，寒燈如豆月如烟。蟲聲急處風聲緊，校
到南華第幾篇。○嘉慶辛未仲夏，端履春闈，被放南
歸舟，抵武林，適吾師養痾吳山，火德廟中。留侍左右
者數日，光陰轉瞬已三十三年矣。展卷之餘，復成一

絕云西爽閣前雲似墨南高峯下雨如
絲深秋重埽吳山揚風景依然立雪時

竹汀先生

姓錢名大昕江蘇嘉定人乾隆甲戌進士官詹事府少詹事潛研堂金石文跋

尾是先

燉煌長

下蝕一字

懷祖先生

姓王名念孫

乾隆乙未進士

陳觀樓先生

名昌齊廣東海康人官浙江溫處道盧

校廬名文弼

浙江餘姚人

乾隆王

王邵二公

懷祖

先生邵名晉

浙江餘姚人

學者稱爲二雲先生

乾隆辛卯進士官翰林院侍讀學士著有爾雅正

義南江文鈔

南

洪稚存

名亮

江蘇陽湖人乾隆

江札記行世

洪稚存

名亮

庚戌進士

官翰林院編修

葛君

名鳴陽字雲峯

鮑氏

名廷博

學者稱爲綠

寄居錢塘後

欽賜舉

蔡君

名濱

字聖涯國藏本

人刻有知不足齋叢書

蔡君

名濱

字聖涯

國藏本

直命之書

卷十一

三

德廟道藏本

受業族子

端履

敬注

道光壬寅仲夏梅雨連旬悶坐小齋展翫舊藏陳老
蓮荷花以消長日老蓮寫生半屬贗鼎此幀鉤勒圓
勁題字亦得閣帖筆法當是真蹟無疑因系以一絕
云老蓮隨意寫蓮花鐵畫都無一點差菊竹藝瓶同
供養涼風吹過整還斜